






~~C7874~~

Ud 5368

2<sup>o</sup>



Brud 5368 dd (1-14)







4  
OCCASVS

in AURORA

SEV

MORS PRÆMATVRA

PERILLVSTRIS DOMINI

D. FRANCISCI CAROLI

in Czereia

SAPIEHA, <sup>P</sup>

Theſauraridæ Magni & Notaridæ

M. D. L.

RETOVIENSIS & CAPITANEI,

Inter lugubres funeris cerimonias

Panegyrica Comploratione

ADVMBRATA

à

SAPIEHANO

Collegio Brestensi Soc: IESU.

Anno ab Increati Solis exortu M. DC. LXXX.

Villæ Typis Academicis Soc. IESV.

81  
*And. Pat. in Xto P. Ignatio Capolli Soc. JESU  
cum humillimis obsequiis et debita submissione Indignus in Ab. Serby*



IN AVITUM  
INSIGNE ILLUSTRISSIMÆ DOMUS

SAPIEHANÆ

C

F

T

M

L



S

N

D

C

R

In Cœlos rectâ contendit cuspide Telum,  
Cruce inter Ceras quod geminata notat;  
Sors alijs metam trabeatos ponat Honores,  
FRANCISCI TELO Meta fit ipse polus.

678476



Ad ILLUSTRISSIMUM D.  
D. BENEDICTVM PAVLVM  
in Czereia

SAPIEHA,

MAGNUM THESAURARIUM

NEC NON NOTARIUM M. D. L.

ROSLAVIENSEM, RETOVIENSEM, OLKIENI  
CENSEM, ZYDEKANENSEM &c. &c.

CAPITANEUM.

**Q**Vem nuper inter tristem feralis  
pompæ apparatû domo elatû lu-  
xeras Filiû, in Paternos finus re-  
ducê accipe, Illustrissime Domine. Vitâ  
illi Faterû injuria rapere potuit; nec  
dum tamen à Te dividitur, adeoque à  
A mor.



morte etiam Tibi adhærere amat. Ni-  
mirum, Patritiû illum splendorem, quẽ  
cum sanguine simul FRANCISCVS  
traxerat, feraliter occidens, in idem iu-  
bar refundit: vel certè matutinâ nocte  
decolorem AVRORAM Tibi advol-  
vit, ut Illustrissimo Tuo nomine, ab  
Umbris vindicetur: quæ licet in fata-  
les desijt tenebras, oblivionis tamen ca-  
liginem effugiet, si tanti sereni vicini-  
am nanciscatur. In æternitate non de-  
situræ vitæ sua virtus FRANCISCUM inau-  
guravit: in pagina quoq; posteritati vi-  
cturus, à quo vitam olim hauserat, glo-  
riæ lucem auspicatur. Contra Tui dolo-  
ris pertinaciam, nemo melius pugnare  
poterat, eo, qui in palpebram ereptum  
Filium ingessisset. Expedi igitur am-  
plexus Pater, & luctuosæ orbitatis sen-  
sum in animo oblittera: huius Tibi aspe-  
ctum officiosa pagina indulgebit. Quod  
si dolor, (quo nihil apud afflictos po-  
tentius est) tali solatio irritatur potius,  
plagamq; trahit animus, unde remedi-

um

um expectabat ex mente Stoici, in pri-  
mævâ prole Illustrẽ MICHAELEM  
SAPIEHA animû conijce: hoc inco-  
lumi, conqueri de Fortuna minimè po-  
teris, quæ sic in altero natorum lævi-  
tiam contumpsit, ut in alterû nihil cru-  
dele diu moliatur. Acquiesce, (quod  
ille ait) alterius Filij dignitate, alterius  
otio, utriusq; pietate, Superstes, quam,  
diu incolumem nobis videre contin-  
gat, Illustris soboles, exundâtes abster-  
gat lacrymas: cuius, ad maxima quævis,  
Tuo, SAPIEHANOq; more exporre-  
ctam indolem, cum animadverto; pol-  
liceri Tibi Illustrissime Domine meritò  
possum, altero Filiorum amisso, nihil  
præter numerum defuturum. Frustra  
dolori intabescas, cùm coelo prolem  
partitus es. Tantus videlicet fueras, ut  
felicitatis Patriam, omnibus numeris  
perfectissimam, auctiorem de Tuo red-  
dere potueris. Fuerit hæc Pænorum  
Ducis gloria, novennem filium Aris ad-  
movisse. Tu octennem FRANCISCUM

A2

Astris



Astris addidisti: tantò, Annibale fortu-  
natiorem futurum, quòd, præclara illius  
sanguinis virtutisque trophæa, nulla  
Campania labefactare possit, cum illius  
ad egregia præfervidam indolem, Ca-  
puæ luxus infregisset. Age Illustrissime  
Domine vinci a Te liberalis æther  
neq; vult, neq; poterit; adeoq; non am-  
bige, nobile hoc, quo hodie cælum  
auctius est, munus; ab eodem Tibi cum  
fænore refundendum. Ita vovet

Tuo honori devo-  
tissimum.

Collegium Brestense

Societatis IES

PARENTALES  
LACHRYMÆ.

**Q**uantum efferata Fatorum contra mortale ge-  
nus atrocitas, aut nocere nobis vellet, aut ob-  
esse posset, in vobis documentum accepimus  
MAGNI MANES. Neq; enim ambiguum est,  
Majori clade Magni Ducatus orbem affici unquam potuisse,  
quàm cum gemmantem FRANCISCI SAPIEHA pueri-  
tiam busto mors intulit. Semper quidē Magnorum funera tri-  
ste lacrymarum sequitur diluvium; planēq; nunquam grandes  
animæ occidunt, quin diuturna plorandi Materies nobis  
exoriatur: nullibi tamen uberius decurrit dolor, quàm, ubi  
ingentis spei nepotibus parentatur, quorum crescendi ter-  
minos, mortuali saxo, præcipitata mors consignavit. Et  
ut ingenuè fatear, immeritò lacrymas impendi eorum fu-  
neri existimo, qui ad singulos prope gradus deficiendo,  
remedium anhelantis senij, fata præstolantur. imo, mori  
illis quædam requies est, quæ fessum annis curisq; animum  
sopiat, & diu multumq; iactatam vitæ onerariam, in por-  
tum aliquando exponat. Quid enim mirum, si grauis an-  
norum mole senecta, ad extrema deducitur? cum & ipsa  
in tumultum vergens ætas sepulchrum deposcat, quæ effæ-  
tum virium languorem, simul ac canis induit, busti effecit  
Candidatum. Illud terrarum iacturâ non mediocriter ampli-

B

ficat



ficat, cum robusto adolescentiæ vigori formidanda mortalitatis iura præcoccem admovent interitum, ut cunas sepulchro societ, & in numerum mortuorum abeant, quando primum nascentium syllabum vix auxere. Aeternum itaq; nobis impositum esse plorandi tributum sentimus; cum exiguam FRANCISCI SAPIEHA vitæ usuram, irreparabili damno, in fœnus immortalitati celsisse intuemur. Aeternum & fati piaculum adhæsit, cum vitæ illius primordia busto includunt, pueritiâ brevibus annorum intervallis circumscriptâ, quæ à teneris iam inde Magnis ausibus initiata, vivendi expetebat plus ultra. Equidem tanta clades lacrymas universo Litvano orbi excivit, primo tamen titulo ad Illustrissimam SAPIEHARUM Domum pertinet, cui exorients fidus, vel ipsi Zodïaco invidiam pariturum, umbratico fatorum occasu obrutum, & videmus, & deploramus. Libet tam invidioso nomine primos FRANCISCI annos virtutisq; exorients studia appellare: certè, quod ætatem contingit, in Laticlavij Litvani omen, à præsaga Fortuna effusus, grandiorum Honoris ominabatur diem, famam, illustri radio accensurus, nisi præcipitata Mortis nox, caliginem sibi offudisset. Virtus insuper, Phosphori nomen iure merito sibi adlegit, quæ FRANCISCO, probitatis faciem intra ipsa cunabula, excitare visa est, cum à primis annis tantam ad recti studium proclivitatem infuderat, ut in Majora pietatis incendia, credi potuerit exarsura. Noctem itaq; in Auroram fatum transtulit, cum scintillantem virtutem ætatemq; extinxit, nocte illata, ubi congruus Orienti locus esset,

Sepiam effunde calame.  
non alius color decet

Perillustri FRANCISCI SAPIEHA  
Capitanei Retoviensis &c.  
luctuosum obitum.

Optimè MAGNI NEPOTIS funera

atra-

atramenti exarantur fuligine.

Ut ab illius obitu pagina atrata incedat

Pullata, ad Mærorem

Cum illustri bullæ interias agit.

Nisi fortè, penna etiam, lacrymis immergi amet,  
quibus, suffusi stagnant oculi.

Genuinus hic Magni Doloris stylus est,  
cum palpebras in fletum eliquaveris,  
etiam paginam, hoc rorè tingere.

Nimirum,

Facile in chartam exundat doloris procella,  
cum lacrymarum fluctibus oculos immergit.

Si solis occasum irrigua deplorat tempestas,  
cælo in pioviam resoluta,

Cum siderum Principem tenebræ involvunt:  
et Nostræ AVRORÆ eclipsim,  
oculorum imber comitetur.

Majora hinc lucis dispendia numeramus,  
quia nunquam compensanda:

Liberaliter igitur effundere in paginam Dolor,  
Decet luctus tenacitatem odisse,

Cum præmatura fata, plorandi suppeditant  
argumentum.

Nullibi turpior lacrymarum parsimonia est,  
quàm, ubi vitæ nostræ prodiga Mors exitit.

Si quando plorandi vis per palpebras exhauritur,  
Hic, oculorum fluentia, nunquam exarescant:

adeoque

Finem ille dolor velciat,

quo vitæ initijs parentatur.

Clades hæc non plebeia est,

quàm ex merito nunquam deploras,

Quamvis Thebarum ostia, profluentibus lacrymis, referâsti.

FRANCISCUS SAPIEHA.

Illustrissimorum Parentum Filius,

Magnorum Ducum Nepos

Illorum gesta, egregijs moribus expressurus,  
in ipso vitæ apparatu, vitâ destituitur:

Tantamiacturam, ne totus quidè eluat oceanus lacrymarum;

Affluent huic tumulo lacrymas posteris,  
Totq; huic funcri præficas, quot homines, posteritas nūcrabit.

B2

Non



Non enim alia Parentalia meruit ille,  
qui æternitatem meritis adepturus,  
Præcisas in prima herba Spes, intulit Monumento.

**P**rimas igitur diras, fatalis hic Tuus occasus meruit  
FRANCISCE, quod Tibi Patritium invidit splendore,  
inducijs nec tantillum datis, donec Illustrium gestorum  
magnitudine, in orbis palpebra, Heroum Te prolem fuisse  
comprobares. Non enim popularis gloriæ fastigio Illustrissi-  
mus Majorum sanguis Te initiaverat, sed primas intra cu-  
nas, cum infantilibus fascijs, maximos Fasces fortuna illi-  
gâisset, laticlavio Te genuerat, quod emeritos humeros Ti-  
bi induisset olim, si ad trabeam nato, adlescere per fata  
licuisset. Sed quia variantis sortis exemplo, egregia illa  
indoles, pueritiæ metas non excessit, nec ultra spei termi-  
nos magnum animum eluctari mors permisit, sterilem hanc  
iacturam, immortalibus Majorum Tuorum meritis voca-  
lis fama, apud posteros excusabit. Ingeret hæc in Nepo-  
tum, pupillam, capacissimæ mentis indolisq; Ducem, Litva-  
num Herculem, Avum Tuum PAULUM SAPIEHA;  
quem in nostra memoria emori non sinet raptæ Moscho-  
viæ vita, quam, violatæ pacis vindex acerrimus, ultore gla-  
dio multavit, quando in suam cladem fertilis, redintegra-  
tâ acie, plures illi barbari Martis manipulos objecisset. Vos  
testor (quibus hostilium tumulorum numerus aspectum  
eripuit) Brestenses campi. Obtexerat vos latè viris armisq;  
vesanus furor, & in suam necem armata dementia: ut ef-  
fet nimirum, unde olim, & Brestæ aggeres, & SAPIE-  
HANO honori trophæa surgerent. Cessit impar PAV-  
LO æmulo Moschovitica Ales, nec in SAPIEHANI  
acinacis splendorem (quamvis erudire ad soles pupillam  
Aquilæ creduntur) involare potuit, quin in palpebra vin-  
dicem sensisset radium, terræq; latibula quærere coacta sit,  
medelam tanto vulnere, a tumulorum umbris petitura. Et  
merito,

merito, ab illa clade fuliginem pennis indueret, nisi iam  
olim, candorem exosa barbaries, in ceras colorem hunc  
admisisset. Planè sui funeris augur, quod infaustris; id  
est nigris aubus, in arenam esset descensura. Quodsi etiâ  
Taurum objecerat, ut triumphalibus armis terrorem in-  
cuteret: etiam hic in vulnera patuit, sensitq; invictam Her-  
culis nostri clavam, & SAPIEHANAM virtutem, de  
genu cadens adoravit. Ita te fama canat, victure in fa-  
stis, æternitatis vir in omnem demerendæ Patriæ occasio-  
nem intentissime, quàm hostilium funerum pleni aggeres  
vitam pluribus hodieq; inspirant, cum emortuum boni  
publici studium Tuo exemplo in plerisq; excitant. atq;  
adeo nullus Brestæ campis insister, quem non Tuæ vir-  
tutis admiratio rapiat, quatenus exanimi horum cadaverum  
ruinâ fortitudinis quodam sensu animetur. Ingeret & al-  
terum ævi sui Curium, cuius emeritam in toga & sago vir-  
tutem Palatina adornat trabea (si non ornatior ab eo eva-  
dit, quem felicem comperit magnus honor) IOAN-  
NEM TARLO Palatinum Sandomiriensem. Superi,  
qualis hic quantusq; nitor! Cælum etiam in illius con-  
spiravit decorem, dum in Palatinas Ceras influxit. Non,  
quod lucis dispendia Illustrissima hæc Domus aliquando  
sentiret, sed ut cælo dignas animi dotes, his astris re-  
penderet, adeoq; lucem luci adderet. Nisi quod post  
Pylij senectam, meritis gravem ætatem, his stellis æther  
sibi despondit. Certè hic noctis comitatus, nihil tene-  
brarum in Palatinas ædes invexit, in quibus nihil repe-  
rias, quod non solis radios æmuletur. Age Domus Il-  
lustrissima. immortale Tuo nomini trophæum, perenne  
FRANCISCO SAPIEHA mausolæum, Gentilitiâ exstrue  
ASCIA, & præcipitatum AVRORE Nostræ occasû,  
tergemino, Patriciarum (quæ cum Materno traxit san-  
guine) stellarum ordine, vindica. Tua tamen ante o-  
mnes



mnes gloria, ab oblivione FRANCISCUM eximet, in  
 gignente ver Nomine, ad æternitatis felicitatem inau-  
 gurate, Heros belli artibus, pacisq; industriâ longè cla-  
 rissime, M. D. L. Magne Thesaurarie, BENEDICTE  
 SAPIEHA. Qualis Tu Paternæ virtutis heres esses, nu-  
 per ad Chocimum in Poloni Litvaniq; orbis palpebrâ  
 demonstrasti: ubi SAPIEHANA virtutis non vulgaria  
 documenta, cum Illustrissimo Fratrum ternione exhibens, or-  
 bem edocuisti, quod Paterna dexteritas, (extra profanas,  
 Romæ superstitiones, halitum expirantium Patrum, ore  
 circumfusorum nepotum excipientis) Vobis perenniter  
 inhæret. Eclipsim passa est Thracica Luna, cum inter  
 Lechicorum Procerum lumina, vestræ quoq; purpuræ ni-  
 tor, sidus barbarum perstrinxisset. Stolidam Philippi vesa-  
 niam irrident veteres fasti, quod sagittarias phalanges con-  
 tra solem instruxerit, & pharetratâ procellâ diem extin-  
 guere voluerit: Vestram famam loquetur æternitas; qui  
 GENTILITIAM SAGITTAM, in triste illud funestumq;  
 iubar, ad cuius exortum regnorum felicitas occidit, O  
 thomanicam inquam Lunam, feliciori Marte direxistis,  
 quæ depressis iam cornibus minor, cum, Invictissimo Po-  
 loniarum Regi IOANNI III. pedibus affusa, nobilem  
 ad Regale solium attollit gradum, etiam Vestræ gloriæ  
 arcum erigit triumphalem. Vectigalis Tuxæ famæ fortu-  
 na videri poterat, nisi domestici sideris occasum post  
 barbaræ Lunæ tenebras intendisset, FRANCISCI ca-  
 put tantâ pro clade reposcens. Sed quò ego ab oratio-  
 nis fluminibus ad nobiles sanguinis rivos deflexi? tem-  
 pera dignis majore cothurno laudibus inordinate dolor.  
 itane vim dicendi à clade SAPIEHANA ad clavam: à  
 parentali rogo ad Maritales tædas, à morte ad Martem  
 transtulisti? nimirum magnitudinem iacturæ non facile  
 coniecisset orbis, nisi horum magnitudini comparatam,  
 quos

quos illustribus gestis FRANCISCUS æquasset olim, ni-  
 si speratæ fortunæ cursum, fækinata mortalitatis iura ve-  
 tuissent. Non sterile illius gloriæ argumentum est, tan-  
 ta Majorum felicitas. Transfusus hoc ab Avis nomen,  
 pulchram in posterorum memoria famæ illius impri-  
 met venustatem: non enim irrita in tantis natalibus la-  
 tebant gestorum præfagia; nec dubito pulchritudinem tan-  
 ti nominis meritis olim impleturum fuisse, sed quia im-  
 par spei fortuna primos vitæ ausus destituit, sic etiam  
 hereditario iure ad Parentum gloriam pertinebit. Vel cer-  
 tè, grandia hæc nomina in paginam retuli, quaterus hu-  
 mili aliàs Eloquentiæ, à tanta Trabearum celsitudine, ma-  
 jestas quædam accederet: ut, quam sua defecit venustas, à  
 pulchro nominum fædere eam sortiretur. Nisi quod fu-  
 mosæ hæ Majorum imagines, funeri optimè conveniunt,  
 quas Parentali FRANCISCI rogo antiquo more circum-  
 posui, ut funebrem pompam in cineres abeunti corpori in-  
 struerent, cum præfata pagina, æternitate continuandum lu-  
 ctum modulatur.

Quisquamne credat? luteus Hesperii  
 Infausta vidit lumina Phosphorus  
 Primasq; gemmantis diei  
 Noctiferâ temerâsse stellâ  
 Sors visa cunas? Cymmerijs gravem  
 Oram tenebris squalidus intulit  
 Æther aprico, & solis igni  
 Occiduo sociavit ortum?  
 Portenta narro. qualia ferculis  
 Instructa quondam mensa Thyestijs  
 Patravit; igne diminutum  
 Cum medio iubar axe retro  
 Titan reduxit. dum Pater oblitus



Rictus suomet sanguine, duceret  
Crateras undantes, necatâ &  
Prole famam relevaret arctam.  
Sed nulla metro fabula deroget  
Fidem. minori lumine vespera  
Extinxit ortum, SAPIEHANÆ  
Cum tragicam Libitina noctem.  
-Offudit iuventæ. Prima pueritiæ  
Eos, Avorum tincta nitoribus,  
Astrisq; Laticlaviorum  
Aucta, Tuas pudefecit ostro  
FRANCISCE Cunas. VEIERIÆ Domûs  
Et KOPCIORUM Lumina purpure  
Et lana CZARTORISCIORUM  
Sidonio mage tincta fuco,  
Illas serenat. Murice rorida  
Fovère natum vellera, fascias  
Dedere Fasces, & tenellæ est  
Iussa vices obijisse bullæ  
Conchyte pavit quam Tyrium toga.  
Quando perenni fœdere connubi,  
Intexta, grande SAPIEHANIS  
ASCIA TARLONIANA iunxit  
Deus SAGITTIS. Hoc trabex iubar  
Honoris olim non humilem Tibi  
Spondebat augem, Mortuales  
Nî tragici nebulæ sepulchri  
(Majora natæ perdere sidera)  
Noctem intulissent ante meridiem.  
Mallentq; fata triste Eoas  
Hesperijs radiare flammæ.  
Illustre, quod iam lucis eges rogi  
FRANCISCE. (manet lacryma) Littavæ  
Sidus

Sidus tiaræ, fer dicata  
Ad socios pia vota Manes.  
I fidus alto, sic precor ultimum,  
Præcepit olympo: quæ rapuit diem,  
Perennis ad sudum sereni  
Te vehat hæc brevis umbra fati.

Siste querclam Pagina.  
Felicis omen ex funere hoc colligendum est.  
certè enim  
FRANCISCI accessit laudibus,  
quod nostræ decessit spei.  
Immaturum fatum, fortunam illi maturavit.  
Brevioris vitæ impendio  
perennem mercatus est gloriam:  
atq; in solem immortalitatis ivit, cum sibi mortale iubar  
occidisset.  
Alijs gloria sit diu vivere: æternitatem meruisse  
FRANCISCO SAPIEHA  
laus est maxima.  
Malè in cuiuspiam clogia annorum census computantur.  
Hæc maxima Panegyris est,  
cum diu non possis, Bene vivere.  
Et verò  
Injurius in cœlum est, qui solas deformis lenectæ rugas,  
illi venustatis Patriæ admovet.  
Amant Elysij campi vireta pueritiæ Floribus vernare.  
Imò, novæ voluptatis sensus Aulæ illi ingeritur,  
cum liberalem iuventæ formam,  
inter suos ephebos excipit.  
Manum à FRANCISCI raptu Æther non abstinuit?  
Amat juvenum rapinas cœlum  
quod, Ganymedis furta, ad huiusmodi ausus  
initiârunt.  
Nec brevioris vitæ probrum morienti opponere  
quia nec in sole meritò carperis,  
Post horarum aliquot moras, ad occalum inclinari.  
Is mihi ultra Pylij senium vitam produxit

quis.



quisquis eouſq; vixit,  
 ut æternitati in ſpolium cedere potuiſſet.  
 Maſte animo FRANCISCE,  
 Alios ad faſtidium uſq; vitæ Olympia fatigant;  
 Tu brevibus annorum moris illa confeciſti:  
 cœlum in prima pueritia meritus,  
 Quod alij per ſæculorum tædia vix attingunt.  
 Feſtina in Fata ætas  
 Breviſſimam ſui uluram Tibi indulſit:  
 quia magna æternitatis ſtadia molienti, maturè incepto opus  
 eſſe noverat.  
 Difficile ad ſuperos iter eſt,  
 à vivida iuventa facilius ſuperatur,  
 in quo anhelæ ſenectus non raro ſuſſistere vel invita cogitur.  
 Æternitatis faſtigio par,  
 Terreni Honoris apices terere perofus es;  
 ſatis habens couſq; vitam produxiſſe,  
 ubi perenne honoris culmen  
 & meritorum limitem, & vitæ imponit coronidem.  
 Ita enim vero eſt.

**F**Ruſtra fatiſ ſuccenſemus mortales, quòd ante ca-  
 nos & rugas FRANCISCUM SAPIENTIA rapuerint;  
 quia hæc, non ſæcula ſed virtutem computant, quam  
 æternitati inferant: falcemq; adeo mittunt, ubi adulta  
 iam virtus ferrum expetit; aliàs detrimenti non minimum  
 cœlo factura, niſi meſſem maturarent. Idem nimirum hu-  
 mano generi, quod optimo hortorum decori malis, in-  
 genium eſt, ut aliqui in primo adoleſcentiæ vere; alij pro-  
 vectiore ſenectutis hyeme, ad maturitatem perveniant; a-  
 liquos neq; hoc gelu excoquat, quinacorem cruditatemq;  
 gemmantibus plantis propriam, retineant. Neq; tamen  
 idcirco ſtomachum gerimus, aut præcocis celeritatis Alci-  
 nou inſimulamus, quòd quaſdã arbores non adulto autu-  
 mno fructibus viduet; quia hi, etſi ante aliorum, non tamen  
 ante ſuam maturitatem detrahuntur. Ultimum autem tem-

pus

pus ex mente illius non expectant, quæ in primo maturuerunt.  
 Neque mihi ſenectutem quiſquam condiat, aut exangues  
 canos commendet; certè enim nemini unquam in gloriæ  
 cenſum diuturna evaſit ætas, nemini anni in laudum vi-  
 ces abjêre. Minimum ego Panegyris argumentum eſſe re-  
 or, quod ab ætate deſumitur, & nescio, an ejuſmodi à  
 prolixa ætate ducta encomia in humani elogij partem me-  
 ritò uſurpentur, unde etiam Pharij marmoris cruſta, & ſæ-  
 culis duraturi ſilices, poterant commendari. Aliàs, cedri  
 longæva diuturnitas, tot Heroum gloriam ſuperabit;  
 quia hanc, contra ſenectæ cariem natura duravit, cui vel  
 maxima hominum virtus obnoxia eſt. præſertim, quòd ple-  
 riſq; per tractos diuturnius annos, non minùs de virium  
 robore, quàm de virtutis vigore decedit, quorum famæ  
 conſuluſſet olim natura, ſi fata primis ſaſcijs involviſſet,  
 ut cum puerilibus crepundijs exitium raperent, neq; è pri-  
 mis annis enatarent, qui cum prætexta, honeſtatis probi-  
 tatiſq; amorem videbantur exuturi. Quem metum quan-  
 quam mihi eximebat Tua FRANCISCE ad ſummum vir-  
 tutis apicem pulchro niſu itura indoles: iniurius nihilomi-  
 nus in Te audirem, ſi Neſtoris ſenectam (quam immor-  
 talitate dignior expectare permiſſus non es) creptam Tibi  
 lugerem: aut maturatum vitæ finem dicerem, quæ, cum  
 apparere major aut non poſſet, aut non egeret, in æterni-  
 tatem meritò vergit: ipſâ virtutis auctoritate immortalita-  
 tem Tibi comparante. Differant fata, quibus facta pro-  
 pagandi neceſſitas incumbit; donec auctior meritorum ap-  
 paratus, eorum funeri numeroſiorem pompam inſtruat.  
 Tua virtus FRANCISCE, iam extra creſcendi limites  
 poſita, recte factorum ſatis computat, quòd æternitatem,  
 (cui uni decrepita laborat ætas) ante rugas merueris: tan-  
 tò rebus humanis altior, quantò remotior à mortalis glo-  
 riæ incrementis. Non popolare Tuæ magnitudinis argu-

D2

mentum



mentum mihi est, festinus hic ē vivis excessus; si enim  
assentiente illo, summo humanæ felicitatis fastigio admotus  
<sup>Claudiano</sup>  
<sup>Sententia.</sup> esse creditur, cui diu stare negatum est: eripiente se, &  
ex oculis auferente perfecta virtute, cum ad summa iā  
pervenit: Te ultra per vulgatas magnorum ideas luctuo-  
sus hic provehit obitus, adeoque ad quoddam virtutis cul-  
men Te evexit, quæ non desitura intenta æternitati, infra  
conatus metas celsitudinem omnem reputat, nisi unico gra-  
du, cœlorum viciniam contingat. Itaque inter catenatas in-  
fortuniorum series deficientis vitæ reliquias trahunt verius  
aliqui quam ducunt, antequam ad canos deductæ ætatis  
stipendium sibi exsolvatur. Tu illud nondum deposita  
bullâ recepisti fortunatissimus, quod Tuæ probitatis præmio  
nulla mora interijcitur, cum plerisque recte factorum mercedem  
æternitatis ærarium serò nonnisi refundat. Nimirum piaculo  
non caruisset æther, si insolitæ Tuæ virtuti honorarium  
eiusmodi differre voluisset, aut si moras tantisper trahere  
ret quousque nobilis Athleta, stadio anhelus, coronam ra-  
peres, quam, vixdum inito cursu meruisti. Noveras videli-  
cet quantum ex securitate decerpas lenta ad æternitatem  
semita, & languida factorum cunctatio: cum non minus  
periculis diuturna vita, quam longa navigatio obnoxia sit,  
ubi sæpè numero iactatæ diu multumque onerariæ, scopu-  
lis allisæ intereunt. Hinc exiguam Vitæ Tuæ celocem in  
æternitatis portum subduxisti, Palinuri cuiusvis gloriam  
prætergressus, quod procellarum victor, ibi celeusma ceci-  
neris, ubi alij periclitari incipiunt. Plane cœlo non mun-  
do natus fueras, quod, & ipsa probioris Vitæ initia, &  
non facile obviæ generosi animi dotes, quas non parco  
influxu in Te natura effuderat, cœlo Te iam olim subhar-  
raverant. Illa senilis & ultra annos matura prudentia, ad-  
culus leges vitam sic castigabas, ut in ea puerile nihil,  
quantumvis centoculus Momus reperisset; orbe hoc, me-  
rissimo

rissimo levitatis theatro majorem Indolem demonstrabat.  
Morum, quæ etiam in vultum suaviter amœnum emica-  
bat (ut ferè rarò mentis profundiora arcana tegimus, quæ,  
hic animi index, etiam invitis quandoque nobis non pro-  
dat) innocentia, cœli candidatum Te effecerat. Quid il-  
le promptissimus in superos animus? fallor, nisi æterni-  
tatem Tibi quovis argumento liquidius adstruebat. Per-  
vigilem Tibi toties reddideras auroram, quâ molliore plu-  
mâ relicta, cœlo preces fudisse non rarò visus fueras; scilicet,  
orationis lumina etiam dubiâ luce eminent, nec cæcu-  
tire pietas solet unquam, quantumvis sub obscuro crepu-  
sculo cœlitibus supplex fiat. Dicerem Te matutinis te-  
nebris ad cœli infidias usum fuisse, quibus semper inhi-  
ans, nec per tenebras quidem, pietatis arietem desinebas  
admovere: nisi Tu pro hereditario tantis virtutibus cœ-  
lo, excubias tunc agere maluisses, cum dispersas per cœ-  
lum vigilias, vicinum solis iubar exstingueret submoveretque.  
Ergo, supersticiosa antiquitas, in favillam abeunte Principum  
cadavere, Aquilam ē Pyra emittat, quæ cremandorum  
manes in cœlum referat: (quasi tam facilis cœlorum se-  
mita esset, ut eò aliquis famulâ alitis plumâ evaderet:)  
Tu, non popularium virtutum pennas in astra evolas, ipsâ  
Te provehente pietate, quo suos Cæsares, Roma, Aquila-  
rum pernicitate inferri voluit. Quanquam & Gentilitia  
SAGITTA, quam Tuis FRANCISCE cœcis æther in-  
fixerat, cœlo te inferet: nobile hoc, & per sidera ire as-  
suetum Telum, cum stylum in ærem dirigit, novam su-  
peris. Giganto-Machiam minitatur, nisi pervium Tibi  
reddant Olympum. Et verò cœlum hi Tibi ultro re-  
pandunt: nam

**F**allor, an æriam pennâ tollente sub aulam  
Præcipiti feror ire volatu?

E

Lin.



Liquo solum, terrasq; meo, montesq; lacusq;  
Despicio sub calce relictos.  
O inhihe cursum! quid me sub sidera tollis?  
Non nostri est hic roboris ausus,  
Fictilis heu memini Cerae, & me rudera nuper  
Dædalij pupugere Nepotis!  
Penna tenax sed adurget iter iam proximus astris  
Ereptas non cerno novales:  
Sola sed occurrit radiantis scena theatri,  
Et vultus derivat Olympum.  
Quàm multo micat igne polus! quæ flamma renidet  
Cælorum diffusa per ora!  
Languentes hinc cerno pyras, dum pervigil, orbem  
Illustrat majore sereno  
Astrorum cæliq; decus sol, tetrica noctis  
Excubias quibus imperat hora!  
Contemplor pallentem Hecaten, cui cornua, dives  
Auravit sine fæce metallum!  
Fixit in objecto variantia lumina Fratre  
Cum quo orbis divisit habenas!  
Quales septeno volvuntur cardine gyri  
Ignitos rapiuntq; Planetas!  
Quis teres ille globus sacratis pervius astris,  
Obliquo secat orbe coluros?  
Quàm benè distinguit longos hic signifer annos,  
O circumdata fascia mundo!  
O trames, per quem deducunt effeda, vincti  
Aurato temone jugales!  
Quàm perbissenas oculos facis ire figuras,  
Invisa novitate stupentes!  
Hic auro sparsus locupletis velera tergi  
Infelix stat portitor Helles!  
Nascentis solitus fovisse crepundia veris

Afflatu

Afflatu levior Favoni.  
Hic spolium Alcidae Nemees frondentis alumnus  
Flammifero violentior æstu,  
Retrogradumq; iubar, Piscesq; & Taurus, aquosum  
Cui cornu desudat in imbres.  
Et, quæ morte Patris terras pertæsa virago est,  
Invisas hinc despicit urbes.  
Tyndaridæ, recreat vestri me pignus amoris,  
Et iustæ duo pondera Libræ.  
Hiccine spumantem Ganymedes fusus in urnam  
Nascentis princeps iubar anni?  
Tunc refers pigras mundo Capricorne pruinas?  
Divum collactanea proles?  
Scorpion advertens, miror, quod reperere quondam  
In cælum potuere venena!  
Quem figis Centaure? cui Tuus imminet arcus?  
Tincta, petunt quem, spicula, virus?  
Nequidquam duos pepulisti in cornua nervos  
Herculeæ haud iuvère sagittæ.  
Centicipis monstri quas pavit noxia tabes.  
Nam cælis exesse iuberis.  
Fallor enim, vel supremi motoris Olympi  
Lapsa meas vox venit ad aures,  
Trude senex nervo pennatas trude sagittas  
Signum acris brumale Nouembris.  
Arcitenente Polus siquidem meliore fruetur,  
Quem cælo dat Littavus orbis.  
Tela SAPIEHARUM Ceris impressa Patritis  
Succedant Chironis honori.  
En iam felices FRANCISCUS inaugurat annos  
Iam volucris subit astra SAGITTA.  
Ista refers meritò celerati præmia fati  
Digne puer graviore Senectâ.


Ez

Ofu



Offudit Libitina Tuam famamq; perennem,  
Et vitam feralibus umbris;  
Sed novus Atlantis Sphæræ superadderis hospes,  
Noxq; tibi parit ipsa Phanetem.  
Tu sol, cum tereti gyrando lampade terras  
Divertes hoc lætus ad astrum  
Cursum siste diu, neq; cætera visere signa  
Accelera properante quadrigâ.

**R**eliquum, est, ut in cæli zonam  
relato FRANCISCI SAPIEHA  
animo, fata, dotelq; posthumæ ætati  
locuturum, in quo extincti nomi-  
nis fama vivere perennareq; possit,  
assurgat marmor. Pharium igitur la-  
pidem, (innocentiæ enim parenta-  
mus,) huc Phidia. cui nullâ tem-  
porum injuriâ eradendas, nullo ve-  
tustatis dente corrodendas Notas ubi  
incideris posteritati relinques monu-  
mentum.



Bre-

**B**revibus momentis summa perennare  
ex hac urnâ disce Posteritas  
**FRANCISCUS SAPIEHA**  
Capitaneus Retoviensis &c.  
Annos virtute superans,  
senili gravitate supra ætatem maturus,  
Vivere desijt, cum vivere incepisset.  
Diceret æternitati natum fuisse,  
quam, Adolescens admodum auspiciatur,  
Hilaratâ æstivis solibus cæli fronte, nostram tristitiæ nubes  
obduxere,  
& sereni ætheris risus, in nostras lacrymas desierunt.  
Heu insalubres Sirij serias!  
Calidior mensis, dum in nocuos ardores effervesceit,  
Tantam spem in herba arefecit!  
Augustus, cladis huius reus est,  
iniustus omino mensis,  
Quantumvis ab æquitatis signo Bilance, non procul abscedat.  
Benè tamen  
Agoni Tuo, Augustum delegisti FRANCISCUS.  
Quam Augustè semper vixeris,  
Hic ultimus vitæ Tuæ mensis, exhibuit.  
Neq; enim, qui magnificè vivit ac Tu, aliter, ac Tu, mori  
potest.  
Cælo iam maturus  
Non alio tempore melius cecidisses,  
quàm, quo adultæ segetes, felicius cedunt.  
Cum missionem à literis accepisses  
Vacaturus Deo, in cælum properasti.  
hoc nimirum erat otium benè ponere,  
Et post Lycei laborem, in æternitate respirare.  
In cæli Capitolium ne solitarius incederet victor incendi-  
orum  
**LAVRENTIVS**  
innocentem FRANCISCI comitatum sibi adlegit.  
Deperit eiusmodi societatem Martyr, quam cælum amat.  
Ergo Tumulos tectura Cupressus, a funere hoc procul  
exulet, quod Laureis æther insignivit

F

Et



Et vero, non alio igne Parentalem FRANCISCI  
 rogam arsisse  
 congruum erat,  
 quàm, qui ex LAVRENTII pyra defumeretur.  
 Nitent quidem etiam inter Fatalem noctem  
 FRANCISCI Manes:  
 quia & sol in occalu clarus est;  
 Sed suis flammis clarius illos LAVRENTIVS illustravit,  
 Si olim hominibus laurus appicta  
 Deorum amicitiae tellera credebatur:  
 Numini Te carum fuisse FRANCISCE  
 LAVRENTIVS edocebit.  
 FAVSTINVS insuper tenellæ animæ exuvias accepit  
 scilicet corporis hoc spolium,  
 post numerosos Molehoviæ acervos,  
 FAVSTINO debebatur.  
 Olim SAPIEHANVS mucro, hostium cadaveribus.  
 Divum hunc, ad terrorem vallaverat:  
 Hunc suum illi tumulum FRANCISCVS affundit  
 ad honorem  
 Ne quid fortasse non faustum evenisse FRANCISCO in  
 morte crederet.  
 Mausolæum sibi FAVSTINVS obtulit  
 Tumulus hic pulchra alit omina.  
 Expositos in sylva gemellos Urbis conditores  
 Faustulus Romanis Fascibus & orbis imperio servaverat:  
 Perill: FRANCISCVM SAPIEHA,  
 Perenniori æternitatis Tæniæ  
 FAVSTINVS admovebit.  
 Orbi tamen lacrymas idem obitus excivit,  
 & à nobis querelam extorsit,  
 qui, nulli in vita querelæ obnoxium FRANCISCVM  
 præmaturè raptum queri cogimur,  
 & desicere.



APOSTROPHE  
 Ad PERILLUSTREM DOMINUM  
 D. MICHAELM  
 in Czercia  
 SAPIEHA  
 THESAURARIDAM NEC NON NOTARIDAM  
 M. D. L. CAPITANEUM ROSŁAWIENSEM, &c.  
 DEFUNCTI FRANCISCI FRATREM.

AT Tu, quem parili (Ceris auctura serenum)  
 Effudit Lucina sinu; quem grandibus ipso  
 Nomine, SIDEREI DUX BELLII destinat ausis  
 Fatorum ne nosce minas: sed mæsta per ævum  
 Incolumis repara Fraternali funera busti.  
 Illius Te lustra petunt: Tu sæcula rapti  
 Longævus diuturna refer: (nam iure vetusto  
 Ereptos Fratri succedes Frater in annos)  
 Tu spes illusas, Tu grandia damna relictus  
 Afflictæ relevare domus, ex esse PATERNÆ  
 Virtutis, Famæq; Heres: Tibi cessit Honores  
 Patrias Tibi cessit opes FRANCISCUS; & illum  
 Ordine nascendi quem primos cernere soles  
 Non tulit invitus, mortis præcessit ad umbras  
 Exanimi spira vivus pro Castore Pollux,  
 Nec, nisi grandævam busto compone senectam.





2000

1800

1700

1600

1500

1400

1300

1200

1100

1000

900

800

700

600

500

400

300

200

100

0



wey



132

Plant

Hirt. Polon.  
6 spec.

23



